

附 增

印光大師略傳

人爲何要學佛文

致無錫少年學佛社書

一函徧復摘要

太虛大師淨土法門集

營養素（維他命）採取法

印光大師法語擷錄

印光法師略傳

師諱聖量。字印光。號常慚愧僧。陝西人。幼闢佛。病後懺悔。依終南山道純和尚出家。紅螺修淨。普陀掩關。民元高鶴年徐蔚文二居士。發表師文及刊文鈔。其文平易近人。深入淺出。持戒嚴。自奉約。德化異類。不作寺主。衛道濟貧。流通法寶。弘化社印書千萬部佛像百萬幀。十九年掩關姑蘇。指示妙真和尚規劃靈岩淨土道場。廿六年避亂靈岩。專修淨業。廿九年十一月初四日卯時示寂。臨終開示曰。淨土法門。要至誠懇切。發願念佛。求生西方。決定帶業往生。我今蒙佛來迎。要去了。安詳而逝。茶毗獲五色舍利。全國緇素。尊師爲蓮宗第十三祖焉。

人何以要學佛文

濁惡世界。易造罪就易墮落。生前多煩惱。死後之沉淪可慮。生人道天道者少。入三惡道者多。因果循環。苦輪無盡。若不跳出圈外。終難解脫。從前不覺。展轉遷流。今既得聞佛法。知此苦惱世界之外。別有清淨莊嚴光明微妙之極樂世界。不趁此時。分別欣厭。立願往生。一息不來。後悔何及。所謂佛法。尤其淨土法門。不外信願行三字。要信佛語不虛。人生是苦。有因果。禍福自造。隨時可死。更信佛法可了生死。人人皆可成佛。信之真。由於解之透（以人生之經過爲考驗便能認識樂少苦多且如夢幻泡影無常虛妄而不實有）信解既具。應當發願修行。

慚愧學人敬述

印光大師法語擷錄

一 讚淨土超勝

大矣哉，淨土法門之爲教也。是心作佛，是心是佛，直指人心者，猶當遜其奇特。卽念念佛，卽念成佛，歷劫修證者，益宜挹其高風。普被上中下根，統攝律教禪宗。如時雨之潤物，若大海之納川。偏圓頓漸一切法，無不從此法界流。大小權實一切行，無不還歸此法界。不斷惑業，得預補處，卽此一生，圓滿菩提。九界衆生離是門，上不能圓成

佛道。十方諸佛捨此法，下不能普利羣萌。

正錄一頁
一至四行

淨土法門，其大無外。具攝初中後法，普被上中下根。下手易而成功高，用力少而得效速。於現生中，定出生死。不歷僧祇，親證法身。乃如來一代時教中之特別法門，實衆生一切修持中之出苦要道。以其仗佛慈力，故與專仗自力者，其利益奚啻天淵懸殊也。以故將墮阿鼻者，由十念而卽得往生。已證等覺者，發十願而回向淨土。是知此之法門

，乃十方三世一切諸佛，上成佛道，下化衆生，成始成終之總持法門也。

續鈔卷下四三頁二五行至四四頁三行

二 勸信願真切

凡我有情，聞是淨土法門者。當信娑婆極苦，西方極樂。當信多生已來，業障深重，匪憑佛力，驟難出離。當信求生決定現生得生。當信念佛定蒙慈悲攝受。由是堅定一心，願離娑婆，如囚之欲出牢獄，絕無繫戀之心。願生西方，如客之思歸故鄉，豈有因循之念。從此隨分隨力，至心持念阿彌陀佛聖號。

。無論語默動靜。行住坐臥，迎賓待客，穿

衣吃飯，務令佛不離心，心不離佛

正錄十頁二十至二十四行

須知西方極樂世界，莫說凡夫不能到，即小

乘聖人亦不能到。以彼係大乘不思議境界故

也。小聖回心向大即能到，凡夫若無信願感

佛，縱修其餘一切勝行，並持名勝行，亦不

能往生。是以信願最爲要緊。藕益云 得生

與否，全由信願之有無。品位高下，全由持

名之深淺。乃千佛出世不易之鐵案也。能信

得及，許汝西方有分

正錄十九頁十二至十五行

三 示念佛方法

至於念佛，心難歸一，當攝心切念，自能歸一。攝心之法，莫先於至誠懇切。心不至誠，欲攝莫由。既至誠已，猶未純一，當攝耳諦聽。無論出聲默念，皆須念從心起，聲從口出，音從耳入。心口念得清清楚楚，耳根聽得清清楚楚，如是攝心，妄念自息矣。如或猶湧妄波，即用十念記數，則全心力量，施於一聲佛號。雖欲起妄，力不暇及。此攝心念佛之究竟妙法，在昔宏淨土者，尙未談

及。以人根尙利，不須如此，便能歸一故耳。某以心難制伏，方識此法之妙。蓋屢試屢驗，非率爾臆說。願與天下後世鈍根者共之，令萬修萬人去耳。所謂十念記數者，當念佛時，從一句至十句，須念得分明，仍須記得分明。至十句已，又須從一句至十句念，不可二十三十，隨念隨記，不可掐珠、唯憑心記。若十句直記爲難，或分爲兩氣，則從一至五，從六至十。若又費力，當從一至三，四至六，從七至十，作三氣念。念得清楚

，記得清楚，聽得清楚，妄念無處着腳，一心不亂，久當自得耳。

正錄二三百六至一百五十五行

四 評修持各法

吾人心性，與佛同儔。祇因迷背，輪迴不休。如來慈憫，隨機說法。普令含識，就路還家。法門雖多，其要唯二。曰禪與淨，了脫最易。禪唯自力，淨兼佛力。二法相校，淨最契機。如人度海，須仗舟船。速得到岸，身心坦然。末世衆生，唯此堪行。否則違機，勞而難成。發大菩提，生真信願。畢生堅

持，唯佛是念。念極情忘，卽念無念。禪教妙義，徹底顯現。待至臨終，蒙佛接引。直登上品，證無生忍。有一祕訣，剴切相告。

竭誠盡敬，妙妙妙妙。

正錄七八頁二四行至七九頁二行

律教禪宗，最初須深明教理，依教修行。修行功深，斷惑證真，方出生死。若教理不明，則盲修瞎煉。若非得少爲足，便是著魔發狂。縱使理明功深，亦頗斷惑。倘有絲毫未盡，依舊不出苦輪。直待惑業淨盡，方可出離生死，尙去佛地甚大懸遠。更須歷劫進修

，始可圓滿佛果。念佛法門，縱不明教理，未斷惑業，但能信願持名，求生淨土。臨命終時，決定蒙佛親垂接引，往生西方。見佛聞法，悟無生忍。卽此一生，定補佛位。正錄七八頁三至五行十四至十五行

五 勉居心誠敬

入道多門，唯人志趣，了無一定之法。其一定者，曰誠曰恭敬。此二事雖盡未來際諸佛出世，皆不能易也。而吾人以博地凡夫，欲頓消業累，速證無生，不致力於此，譬如木

無根而欲茂，鳥無翼而欲飛，其可得乎。正錄

五二頁十八至廿行

欲得佛法實益，須向恭敬中求。有一分恭敬，則消一分罪業，增一分福慧。有十分恭敬，則消十分罪業，增十分福慧。若無恭敬而致褻慢，則罪業愈增，而福慧愈減矣。正鈔卷一

十三頁十二至十三行

古人修行，皆能證道。今人修行，少見明心。豈人根之不等耶，抑亦敬慢之所致耳。歷

觀傳記高人，咸皆視經像如視活佛。其敬畏之迹，雖忠臣之奉聖主，孝子之讀遺囑，何能彷彿一二。因其恭敬之極。故能斷惑證真，超凡入聖。觀於二祖立雪，程門立雪，可見矣。今人視佛像如土木，視佛經如故紙。縱有信心，讀誦受持，亦不過供其口頭滑利而已，有何實益之可論也。雖種遠因，而褻慢之罪，有不堪設想者。

正鈔卷一十頁二四
行至十一頁三行

六 論因果事理

因果者，世出世間聖人，平治天下，度脫衆

生之大權也。若無因果，則善無以勸，惡無以懲，遑論明明德以止至善，斷煩惱以證菩提乎。由其知有因果也，則必趨吉避凶，改過遷善，閑邪存誠，克己復禮，冀入聖賢之域，期登極樂之邦。上焉者安而行之，中焉者利而行之，下焉者勉強而行之，同得格物欲以顯良知。出迷途以登覺岸。續錄九十四頁至十三行

現在世界之劫運，吾人所受種種災難，皆是過去惡業所招，以致感受現在苦果。故知此惡業者，即過去惡因之所造成也。欲免苦果

，須去苦因。過去已種之苦因，念佛懺悔，乃能消去。現在如不再造苦因，將來即能免受苦果。何謂苦因，貪瞋癡三毒是。何謂善因，濟物利人是。若人人明達因果之理，則諸惡莫作，衆善奉行，災害自無從起。唯今人不明因果之理，私欲填胸，無惡不作，祇知有己，不知有人。詎知利人即是利己，害人甚於害己。

續錄一〇八
頁四至八行

七 訓皈戒之要

悲哉衆生，從無始來，輪迴六道，流轉四生

。無救無歸，無依無託。若失父之孤子，猶
喪家之窮人。總由煩惱惡業，感斯生死苦果
。盲無慧目，不能自出。大覺世尊愍而哀之
。示生世間，爲其說法。令受三皈，爲翻邪
歸正之本。令持五戒，爲斷惡修善之源。令
行十善，爲清淨身口意三業之根。從茲諸惡
莫作，衆善奉行。三業既淨，然後可以遵修
道品，令其背塵合覺，轉凡成聖。斷貪瞋癡
煩惱之根本，成戒定慧菩提之大道。故爲說
四諦，十二因緣，六度，三十七助道品等無